

# Powšitkowne WOZJEWJENJA

njedźelu, 13. januara 2013

## Kubłanskej dnjej

Pod hesłom „Žiwjenje je krasne – wo lubosći a druhich wěcach“ přeprošuje dekanatne dušepastyrstwo šulerki a šulerjow 7. a 8. lětnika wot pjatka, 18. januara, we 18 hodź. do soboty, 19. januara, w 16 hodź. do Don Boskowneho domu we Worklecach. Zajimcy njech so prošu hač do póndžele, 14. januara, pod telefonowym čisłom (03 57 96) 8 87 07 we Worklecach přizjewja.

## Prěnja proba oratorija „Serbske jutry“

Projektowy chór, kotryž budže w aprylu nowy oratorij „Serbske jutry“ spěwać, změje swoju přěnju zhromadnu probu sobotu, 19. januara, w 15.00 hodź. w Jednoće w Chróšćicach. Prosy so naležnje, zo bychu so wšitcy wobdźělili. Nowy oratorij je Jan Cyž na tekst Chrysty Meškankowneje składnostnje 150. róčnicy Towarstwa Cyrila a Metoda a Katolskeho Posoła napisał.

## Swjedzeń swjateho Bosćana w Chróšćicach

Předsydstwo bratstwa swjateho Bosćana přeprošuje wšitkich na swjedzeń swjateho Bosćana njedźelu, 20. januara, do Chróšćic. Bože mšě su w 7.00 hodź., 9.00 hodź. a 10.30 hodź. (němsce). Swjedženski nyšpor z procesionom po wsy je w 14.00 hodź. Po nyšporje změja čłonojo bratstwa na farje swoju hłownu zhromadźiznu, na kotrejž porěči Torsten Hartung wo svojim puću nakazanja. Wěriwi ze wšitkich serbskich wosadow su přeprošeni, do bratstwa swjateho Bosćana zastupić. Štóz chce z čłonom bratstwa być, njech so hač do pjatka, 18. januara, na Chróšćanskej farje přizjewi, telefonowe čisło (03 57 96) 8 04 00.

## Poskitk křižerjam

Křižerjo móža sej hač do kónca januara pola krawcowskeje mišterki Petry Kupcyneje we Worklecach cylindry k jutram skazać, telefonowe čisło (03 57 96) 9 56 04. Tež wšelake pisane jutrowne banty a rukajcy ma serbska šwalča na wuběr.

## Zhromadne posćenje

Sonja Hrjehorjowa poskičuje tež lětsa w Sulšecach zhromadne dny posćenja. Prěni kurs – přewažnje němsce – započnje so wutoru, 26. februara, a skónči so póndželu, 4. měrca, z łamanjom posćenja. Druhi kurs – přewažnje serbsce – budže wot srjedy, 6. měrca, hač do wutory, 12. měrca. Naprašowanja a přizjewjenja su móžne hač do srjedy, 20. februara, pola Sonje Hrjehorjoweje, Sulšecy 42, 02997 Kulow, telefonowe čisło (03 57 25) 7 05 60.

## Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so bórze přizjewja pola fararja Bena Jakubaša w Njebjelčicach, telefonowe čisło (0 35 78) 30 20 05.

## Pytaja młodžinskeho referenta

Za dekanatne dušepastyrstwo młodžiny we Worklecach ma so 1. februara referent respektiwne referentka ze socialnopedagogiskej abo teologiskej kwalifikaciju přistajić. Wuměnjena su kompjuterowe znajomosće, wobknježenje serbskeje rěče a přezjednosć z nadawkom, službu a žiwjenjom katolskeje cyrkwy. Džělowe městno je w Don Boskowym domje we Worklecach. Zrěčenje je na dvě lěće wobmjezowane.

Džělowy wobłuk wobsahuje podpěru katolskeho młodžinskeho dušepastyrstwa a młodžinskeho džěła w Budyskim wobłuku, podpěru katolskeho wotewrjeneho młodžinskeho džěła tuteje kónčiny, džěło z kružkom pomocnikow, z druhimi čestnohamtskimi skupinami a katolskimi młodžinskimi zwjazkami kónčiny, zastupnistwo katolskeje młodžiny we wšelakich zjawnych gremijach a radowanje financow.

Pisomne požadanja přijimuje hač do wutory, 15. januara, biskopski ordinariat, wotrijad młodžinska pastoralka, Käthe-Kollwitz-Ufer 84, 01309 Drježdžany abo z mailku na [jugendseelsorge@ordinariat-dresden.de](mailto:jugendseelsorge@ordinariat-dresden.de).